



Studenti Univerziteta umjetnosti u Lincu sa Huseinom Kurtagićem

Izložba fotografija studenata

Sarajevo kao moderan grad u presjeku tri epohe

Skoro 300 posjetilaca moglo je uživati i u sevdalinkama koje je izvodio Husein Kurtagić

U starom dijelu Linca, u historijski poznatoj Apotekarskoj kući, u četvrtak, 9. oktobra, upriličeno je otvorenje izložbe fotografija studenata Univerziteta umjetnosti Linca pod nazivom „Willkommen nach Sarajevo“ (Dobro došli u Sarajevo).

Izložba je za BiH i njen glavni grad važna po tome što su studenti jedne strane države

dnih i slobodnih umjetnika BiH. Organizatori su pozvali direktora ovog udruženja Huseina Kurtagića da prilikom otvorenja izložbe promovira svoju knjigu „Muzika mog vremena“ koja najvećim dijelom govori o sevdalinci kao posebnoj vrijednosti bh. kulturnog naslijeđa.

Uz promociju knjige posjetioци su mogli uživati u sevd-



Brojni posjetioци na izložbi

izabrali Sarajevo za temu diplomatskog rada, ali i to da je Sarajevo prikazano bez standardnih klišeja vezanih za blisku prošlost BiH. Ana Zangerle, jedna od studentica, rekla je da je cilj diplomatskog rada bio da se Sarajevo prikaže kao moderan grad u presjeku tri epohe - Bosna pod turskom vlašću, austrougarska vlast u BiH te moderna vremena.

U okviru priprema za izložbu studenti su ostvarili kontakt sa Udruženjem estra-

linkama koje je izvodio Husein Kurtagić, ali i izvrsna interpretatorka Nataša Mirković iz Beča.

Na ovom jedinstvenom kulturnom događaju bilo je skoro 300 posjetilaca, a ugođaj te večeri je bio dodatno pojačan specijalitetima bosanske kuhinje. U pripremanju koktela kolegama austrijskim studentima pomogli su bh. studenti koji studiraju na Univerzitetu u Lincu.

A. OMERSOFTIĆ

Ambasador Šmit uručio diplome

Sedam škola partneri Njemačke

Sedam škola iz BiH u Ambasadi Njemačke u Sarajevu proglašeno je partnerskim školama s tom državom, a ambasador Joachim Šmit (Joachim Schmidt) njihovim predstavnicima uručio diplome o imenovanju.

Odabrane škole su Gimnazija „Filip Višnjić“ iz Bijeljine,

Opća gimnazija iz Bosanske Krpe, Gimnazija „Dr. Mustafa Kamberić“ iz Gračanice, Srednja strukovna škola „Silvije Strahimir Kranjčević“ iz Livna, Osnovna škola „Čamil Sijarić“ iz Nemile, Srednja elektrotehnička škola iz Tuzle i Prva gimnazija iz Zenice.

A. Š.

LONDON Dopunska nastava na bosanskom jeziku

Nova školska godina u prostorijama Ambasade BiH

Krajem avgusta održan sastanak sa Veselom Planinić, otpravnicom poslova u Ambasadi BiH • Sačuvati maternji jezik od zaborava



Polaznici bh. škole: Veliki značaj dopunskog školovanja u dijaspori

Da vrijedi biti uporan, pokazao je primjer bh. dopunske škole iz Londona. Nakon dugogodišnjih molbi bh. asocijacije „Viktorija“ da se dopunska nastava održava u luksuznim prostorijama Ambasade BiH u Londonu, konačno je krajem avgusta iz Ministarstva vanjskih poslova stiglo odobrenje. Inače, ovo je prva bh. dopunska škola osnovana u Velikoj Britaniji.

Iskusni radnici

- Škola je počela s radom u vrijeme kada je u BiH buktao rat, a naše izbjeglice pristizale u mnoge zemlje svijeta. Grupa iskusnih prosvjetnih radnika, koju su sačinjavali Zekira Pilića, Jasmina Turajlić te Ramiz Smailbegović, je uz ogromnu podršku Nahasa Moohameda, tadašnjeg otpravnika poslova u Ambasadi BiH u Londonu, u novembru 1993. okupila djecu školskog uzrasta i počela s održavanjem nastave na maternjem jeziku - prisjeća se učiteljica Semira Jakupović, dodajući da je krajem avgusta ove godine održan sastanak sa Veselom Planinić, otpravnicom poslova u



Sa početka nastave: Upis novih učenika do 25. oktobra

Ambasadi BiH, na kojem se razgovaralo o daljnjem radu škole, te uvjetima prelaska u novi objekat.

- Radi se o novim, velikim prostorijama Ambasade BiH u Londonu. Ovo će sigurno biti podstrek za nove uspjehe škole. Stoga se zahvaljujemo osoblju Ambasade, a posebno Veseloy Planinić koja je odigrala važnu ulogu u ovom, za školu sudbomosnom trenutku, te imala dovoljno razumijevanja za naš pro-

blemski prostorom - ističe Jakupović.

Interesantno je da se ovaj važan trenutak podudarao sa godinom u kojoj škola obilježava 15. godišnjicu postojanja. Škola je svoj dugogodišnji put započela u Ambasadi BiH.

Kulturni identitet

- Svesrdno se nadamo da će škola tu naći utočište za sva vremena. Jedan od velikih problema s kojima se suočava dopunsko obrazovanje u iseljeništvu jeste veoma mali broj djece školske dobi koja pohađaju nastavu. A značaj dopunskog školovanja u dijaspori, te očuvanje maternjeg jezika od zaborava i važnost njegovanja kulturnog identiteta je nemjerljiv - navodi Jakupović.

Prva bosanska dopunska škola u Londonu počela je svoj rad 4. oktobra u prostorijama Ambasade BiH na adresi: 5-7 Lexham Gardens London, W8 5JJ. Upis učenika je do 25. oktobra. Starosna dob je od šest do 15 godina, a predškolske grupe od četiri do šest godina.

N. ALIMAJSTOROVIĆ



Zgrada Ambasade BiH u Londonu: Podstrek za daljnje uspjehe